

VIJESTI



Studenti nastavili proteste

Grupa od oko tridesetak studenata Univerziteta u Tuzli i jučer je protestovala ispred zgrade Vlade TK-a, tražeći da Ministarstvo obrazovanja i čelnici Univerziteta odobre njihov bezuslovni prelazak u narednu godinu studija, iako, po tumačenju sa Univerziteta, nemaju uslova za to. Studenti su protest započeli u petak ispred zgrade Rektorata, a nastavili su ga ispred zgrade Vlade Tuzlanskog kantona, gdje su proveli dvije noći. Ukoliko se ne udovolji njihovim zahtjevima, najavljuju štrajk glađu.

A. Še.

Parastos u Mrkonjić-Gradu

U organizaciji Odbora za njegovanje tradicije oslobodilačkih ratova Vlade RS-a u Mrkonjić-Gradu jučer je služenjem parastosa i polaganjem vijenaca obilježeno 15 godina od stradanja Srba u zapadnoj Krajini 1995. godine. Tokom napada oružanih snaga Hrvatske i Petog korpusa Armije BiH na 13 zapadnokrajinskih opština u septembru i oktobru protjerano je više od 120.000 ljudi, a ubijeno 2.000 civila i vojnika. Do sada je ekshumirano 1.214 tijela, dok se traži još 420 tijela ubijenih srpskih civila i vojnika, javila je Srna. Predsjednica Skupštine opštine Mrkonjić-Grad Divna Aničić demantovala je tvrdnje pojedinaca da je opština odustala od tužbe protiv Hrvatske za sve ono što su hrvatske vojne snage počinile na njenom području ujesen 1995. godine.



Zaštita mentalnog zdravlja

Povodom obilježavanja Svjetskog dana zaštite mentalnog zdravlja, 10. oktobra, Centar za mentalno zdravlje Doma zdravlja Mostar organizirao je jučer informativno-edukativnu kampanju u Mostaru. Po riječima psihologa u Centru za mentalno zdravlje Doma zdravlja Mostar Marka Romića, u akciji su učestvovali ljekari, psiholozi i studenti Medicinskog i Fakulteta socijalnog rada, a njen cilj je promocija potrebe za širenjem svijesti o značaju mentalnog zdravlja u zajednici. U sklopu ove akcije na nekoliko lokacija u gradu dijeljeni su edukativni materijali s informacijama o hroničnim bolestima i mentalnom zdravlju, a građani su na licu mjesta mogli izmjeriti krvni tlak i razinu šećera u krvi.

Testiranje kandidata za prijem u Oružane snage BiH

Šest hiljada u igri za 600 mjesta

● Na četiri lokacije OSBiH - u Sarajevu, Banjoj Luci, Tuzli i Čapljini - provjeravaju se opće znanje, fizičke sposobnosti i motivacija ● Obuka starta u januaru

Ministarstvo odbrane Bosne i Hercegovine će u naredni mjesec testirati oko šest hiljada kandidata za prijem u profesionalnu vojnu službu, koji su se prijavili na javni oglas za prijem 600 vojnika u Oružane snage BiH (OSBiH) objavljen 16. augusta.

Testiranje je počelo u ponedjeljak, 4. oktobra, na četiri lokacije OSBiH - u Sarajevu, Banjoj Luci, Tuzli i Čapljini, gdje se vrši provjera općeg znanja, fizičkih sposobnosti i motivacije. Nakon toga će biti izrađena jedinstvena rang-lista po formacijskim dužnostima i izvršen odabir kandidata koji će biti upućeni na ljekarski pregled i na osnovnu obuku.

Ljekarski pregled

Zamjenica ministra odbrane za upravljanje resursima Marina Pendeš rekla nam je da se prvo se vrši provjera fizičke spremnosti, a potom se pristupa ispitu općeg znanja i psiho-testu.

- Taj psiho određuje da li

određena osoba može nositi oružje ili ne. Ako neko padne na psiho-testu, ne znači da nije psihički zdrav, nego da nije za oružje, kazala je ona.

Ministarstvo odbrane ima ugovor sa Kliničkim centrom Univerziteta u Sarajevu i tamo će biti detaljno pregledani

oglas, neće ići na službu u Orašje, a Bošnjaci iz Sarajeva u Tuzlu.

- S obzirom na lokacije zapovjedništava i određenih postrojbi OSBiH, logično je da oni koji gravitiraju Orašju tamo budu i primljeni. Takav princip će važiti u svim

nom na prijemu putem javnog oglasa, zbog čega je cijelom procesu posvećena posebna pažnja, od propisa koji regulišu prijem vojnika, preko planiranja do realizacije prijema vojnika u OSBiH.

- Da bi se eliminisale moguće negativne pojave, Ministarstvo odbrane je poduzelo niz dodatnih mjera za ostvarivanje transparentnosti prijema vojnika u OSBiH, a i ovim putem se obraćamo građanima i građankama Bosne i Hercegovine da nam pomognu u prevenciji mogućih negativnih pojava, te da Ministarstvu odbrane konkretno i argumentovano prijave ma kakvu nepravilnost u toku tekućeg procesa prijema vojnika u OSBiH. Također, Ministarstvo odbrane je uvjeren da je samo zajedno sa građanima i građankama Bosne i Hercegovine moguće preduprijeti razne glasine, iza kojih često stoje pojedinci koji pokušavaju svoju ličnu nepodobnost, neuspjeh i frustraciju u procesu odabira bu-

Afganistan po planu

Zamjenica ministra odbrane potvrdila nam je da će ovog mjeseca BiH uputiti svoju pješadijsku jedinicu u misiju ISAF u Afganistanu.

- Sve ide po planu, rekla je Pendeš.

Odluku o slanju 45 vojnika u Afganistan donijelo je Predsjedništvo BiH, a potvrdio Parlament BiH. Oni će tamo biti u sastavu danskog kontingenta i čuvaće vojnu bazu u rizičnoj pokrajini Helmand.

odabrani kandidati. Uz zadovoljavanje utvrđenih standarda prilikom testiranja, jedan od ključnih kriterija za prijem biće regionalna zastupljenost kako bi se izbjegli nepotrebni troškovi. Tako, naprimjer, Hrvati iz srednje Bosne, koji su se prijavili na

slučajevima. Probaćemo na taj način praviti rang-liste, jer su značajna izdvajanja za troškove putovanja i stanovanja, rekla je Pendeš.

Iz Ministarstva odbrane BiH je saopćeno da riječ o novom sistemu prijema vojnika u Oružane snage, zasnova-

Federalna Vlada se pobrinula za svoje službenike

Administraciji nakn



Uredbom o naknadama koje nemaju karakter plaće, donesenom početkom septembra, federalna Vlada pokazala je darežljivost spram direktora, državnih službenika i namještenika u federalnim organima uprave, upravnim organizacijama i drugim tijelima federalne uprave.

Uredba koja je prvi podzakonski akt novog zakona o plaćama i naknadama u organima vlasti, maksimalno ide naruku zaposlenim u državnoj administraciji, posebno onima koji rade izvan mjesta prebivališta.

Vikendi i praznici

Uredba, uz ostalo, propisuje naknade za odvojeni život, smještaj, vikend-posjete porodi, odlazak kući za praznike i

VIJESTI



Obilježena Nedjelja djeteta u Rudom

Susretom dječijih pisaca iz Priboja, Rogatice, Višegrada i Rudog koji su se predstavili mališanima u Rudom zahvaljujući Narodnoj biblioteci Prosvjeta u ovom gradu, svečano je obilježena Nedjelja djeteta. Stihove su pred osnovcima i srednjoškolcima iz Rudog te članovima Udruženja djece s posebnim potrebama, govorili Božidar Škobić, Slavko Heleta, Dragica Grbić, Dragan Paponjak, Radomir Jagodić i Puniša Papić. Priredena je i izložba slika u Galeriji Doma kulture čiji su autori djeca sa posebnim potrebama.

A. H.

Ekološki performans

Savez ekoloških snaga Bijeljina uličnim performansom jučer je obilježio Međunarodni dan akcije za klimu, čime se pridružio kampanji 350, koja je posvećena globalnom ujedinjenu u traženju rješenja za klimatsku krizu. "Fokus je na broju 350 ppm /parts-per-million/, nivo koncentracije ugljen-dioksida koji su naučnici identifikovali kao bezbjednu gornju granicu za CO2 u atmosferi. Trenutna koncentracija CO2 u atmosferi je 390 ppm i to zahtijeva hitno djelovanje da bi naša planeta i svi živi organizmi mogli normalno funkcionisati", izjavila je Snežana Jagodić Vujić, predsjednik nevladine organizacije Eko-put, članice Saveza. Ona je dodala da se danas Savez ekoloških snaga pridružuje naporima za smanjenje količine ugljen-dioksida i borbi za ublažavanje klimatskih promjena.




Danas u RS-u o penzijama za septembar

Fond za penzijsko i invalidsko osiguranje Republike Srpske održaće danas u Bijeljini konferenciju za novinare na kojoj će biti saopštene informacije o isplati penzija za septembar.

Osim isplate septembarskih penzija, na konferenciji će biti riječi i o prihodima Fonda od januara do septembra.

Iz Fonda je najavljeno da će biti saopštene i informacije o toku registracije korisnika prava sa prebivalištem u inostranstvu.



Sve više mladih želi u vojnu službu

dućih vojnika prebaciti na odgovornost Ministarstvu odbrane BiH i Zajedničkom štabu OS BiH, saopćeno je iz MO.

Pendeš kaže da je ovo, zapravo, treći put kako se raspisuje javni natječaj za prijem vojnika u profesionalnu vojnu službu i da je svaki put procedura ista.

- U posljednjem natječaju, međutim, imamo određene nedostatke u smislu regionalne pokrivenosti. To nije navedeno i mi ćemo u internim aktima voditi računa da popunimo ovaj segment, veli ona.

Plata 700 KM

Prva grupa kandidata, koji ispunje sve uslove, počet-

kom naredne godine biće upućena u Centar za osnovnu obuku OSBiH u Pazariću. Tamo će provesti tri mjeseca i nakon toga raspoređena u jedinice.

Naša sagovornica smatra da su ekonomska kriza i velika nezaposlenost u Bosni i Hercegovini glavni razlozi što se za 600 mjesta u profe-

sionalnoj vojnoj službi prijavilo šest hiljada ljudi. Profesionalni vojnik u našoj zemlji ima mjesečnu platu od 700 KM i na taj iznos mu se uplaćuju doprinosi. Uz ovo idu topli obrok, naknada za prevoz i odvojeni život. Ukupna primanja se kreću između 1.200 i 1.400 maraka.

DI. OMERAGIĆ

ada i za praznovanje

Ako im je prebivalište udaljeno više od 70 kilometara od mjesta rada, imat će pravo na naknadu za odvojeni život - 400 KM, stanarinu - 300 KM, plaćen prevoz za vikend-posjete porodici, kao i dolazak na posao privatnim automobilom

prijevoz na posao i s posla za rukovodioce organa uprave, državne službenike i namještenike.

Vlada je najšire ruke bila prema rukovodiocima organa uprave, odnosno direktorima federalnih agencija, direkcija, uprava i samostalnih upravnih organizacija čije mjesto prebivališta je više od 70 kilometara udaljeno od organa državne uprave u kojem rade. Takvi direktori, ali i državni službenici, imat će pravo na mjesečnu naknadu za odvojeni život od 400 KM i naknadu za troškove smještaja u mjestu rada od 300 KM.

Naknadu za smještaj imat će i namještenici čije prebivalište je udaljeno više od 70 kilometara od mjesta u kojem rade.

Svi oni - rukovodioci, državni službenici i namještenici će, shodno Vladinoj uredbi, imati i pravo na plaćene troškove prijevoza "za dane sedmičnog odmora (vikend-karta)". Ova vrsta naknade važit će za dane državnih praznika i, kako je navedeno, sve ostale "neradne dane u kojima se po zakonu ne radi", do visine cijene karte prijevoza u cestovnom ili željezničkom prometu.

Kako direktori uglavnom imaju na raspolaganju službene automobile, Vlada je državnim službenicima i namještenicima koji stanuju više od dva kilometra od mjesta rada, propisala pravo na naknadu ili mjesečnu kartu za troškove prijevoza u visini cijene mjesečne karte gradskog, prigradskog, odnosno međugradskog saobraćaja.

"Džeparac" za gorivo

Još bolje proći će oni državni službenici koji za dolazak na posao i povratak s posla koriste vlastiti automobil. Uz pret-

hodno pribavljeno odobrenje rukovodioca organa uprave u kojem rade, oni će imati pravo na naknadu u visini cijene 1,5 mjesečnih karata u javnom prijevozu. U Sarajevu je mjesečna karta za gradski prijevoz 53 KM, što znači da bi za dolazak na posao automobilom iznosila oko 79 KM.

Službenicima i namještenicima koji rade prekovremeno ili u dane državnih praznika plaća će moći biti uvećana za najmanje 50 posto, za rad u neradne dane za najmanje 30 posto, a za noćni rad najmanje 35 posto.

S. Še.